

靜

嘯

齋

存

草

靜嘯齋詩序

士苟靈蛇在握荆璞在懷而人嫉
之天妬之則必托其磊砢慨慷之
氣於詩成一家言以自壽故昌黎
以為不平之鳴歐陽以為窮而後

工將毋詩獨可以怨乎此亦古人
之目見也遐周先生祖宗伯禰給
諫伯仲簪纓獨先生才氣標霞志
存千載泛覽百家之籍旁窮二氏
之微經海岱山探鮫宮而搜石室

直使張司空博物拜其下風揚子
雲問竒呼為僂父是時浮梁陳公
嘖：謂董君不世才宜置天祿石
渠間而羽儀未漸竒疾遽嬰蒼
寧可問耶甲寅病棘自謂剋知死

期枕上作項羽吟絕命詞以自志
從茲擯影一室踞庄牀而觴詠對
藥叢以消搖架積賜書門無俗客
者十有五年其間相與鼎酢唱賡
不以風雨輟音者大江以南止二

三人而已駒生也晚不足以晰先
生而家君子與先生固廿餘載素
交也我輩鍾情音徽可溯愿使其
緒言餘論遂與刀鋸俱掩淮流並
涸哉大抵先生詩與季力相長讀

重牙客閩如覩謝家子弟衣冠磊
落也讀未熱留篋如入相如庭戶
車騎從容也至讀寒筭諸什雄深
雅健如對文章太史公也其要歸
乎性情澹乎空靈和以禪悅續以

亂費而丰神標致則蘓門嶺半哨
然長嘯步兵至此亦復興盡而還
豈與夫今日性情之蠢吳喉楚舌
同年而語哉然則詩固不足以窮
先生也世人之窮而懷悒抑也雖

藉艸茵花輕肥豪舉對之常若有
清淒顛顛之况令人神傷此天地
之秋氣也昌黎所謂不平之鳴歐
陽所謂窮而後工者也夫不備四
時之氣不可以言詩則讀先生詩

者慎毋以其竊也而但以秋心相
向乎

崇禎己巳七夕後一日韓曾駒拜

手謹書

凡例

一 童蒙以前 未赫留篋甲寅以前稿也向
令是集以初 獨採其詩以
一 楚等外 外以後稿也
一 而壬 以迄
入焉列為五
卷

一 詩餘倡誦一則騷人寄興一則老衲相

參情種禪心不妨並存以
維故俱
附焉

一每種以此先生所謂
故不少等名人而談詞
末不少不數語終之

韓曾駢言識

靜嘯齋存草

卷之一

童牙稿

覽古詩至江南曲計三十一首

靜嘯叢存艸卷之一

西吳

董斯張遐周甫著

韓曾駒人穀甫訂

童牙稿

敘曰往僕在強葆伯氏方治詩率共諸名士
席間騁藻每預下坐欣然動顏萬曆庚子僕
十五應童子試從諸兄之錢塘爲湖上遊客
有稱詩者戲效之得二語云遡湍一棹緩縱
眺秋山空同坐皆歎息謬云僕具夙慧僕謝

不敏顧方急制科文都無復暇十六病肺恒
臥一木榻屐不踰戶醫謂必散鬱病乃已適
友生遺僕唐人詩披之亟爲心賞小有撰著
閱諸篋藉以自娛乃病竟不得去癸卯秋病
棘死而蘇者三小間益優游聲詩橫口成詠
體鮮程古時吾友趙廣業工此技教授里中
無知者僕徒步及門爲定交微言往反綜覈
今昔趙亦諒士嘗互有譏彈心獨折之輒刪
定舊製汰者什九稍稍覺有獲然自是益拙

應世濩落壯歲無所成詩能窮人如是邪凡
辛丑至癸卯存詩若干篇名曰童牙稿

覽古詩

句吳樹荒服揖遜遐相期諸弟首季賢舉國將畀之
長嘯謝吾君千駟空爾爲置嫡迺昔訓焉得行君私
誰言聖達節臧子齊所歸逝將之延陵去室躬耕耘
逸禍慮已淵弭爭幾亦微克苻荆蠻遜聲華照來茲
視彼軒蓋流徒然宗廟犧

其二

浮生等石火倏忽歸窮泉所貴植竒節意氣光百年
聶政齊士豪而湛屠估間乃覲嚴仲子握手瀝衷肝
報恩爲報仇白刃流朱殷剖腸豈不惜知已良獨難
精誠感婦人其姊生亦捐寄言金石友尋盟慎無寒

夜汎西湖

放棹中流月滿衣千山無色爍烟微二更水鳥不知
宿還向望湖亭上飛

秋日舊園書事

先宗伯初構別業命曰泌園不十年化而爲

圖予傷之作是詩

隔歲重相過秋心滿一園高樓經晝閉往事老人言
逕直柔柔合池平野鵲喧坐看白日影勿使淚空繁

送人之越

歲華方欲晏留子暫裴徊尊酒情無已孤舟夕雨催
濯纓曹女渡晞髮越王臺霞氣如堪把須携兩袖來

代少年贈閨人

明月嬋娟夜荆臺枕乍携柔情想春蕙密愛忌晨鷄
寶鏡光恒薄薰鑪香不齊功名棄如屣楊柳正深閨

三月晦日

前門有芳樹春盡依然綠紫陌踏歌聲半是懷春曲

其二

春日蕩殘暉春風別翠幃黃鸝如解恨故逐落花飛

山中偶作

青艸長於人倉庚時出入但聞樵者唱不見人行跡

十四夜吳江舟中作

夜久月轉白春流無意長中江搖一舟鵬鴉碍來槩

其二

江沉橋上月帆帶樹邊雲今夕看孤影悠然想鄂君

感遇詩

美人婉清揚伊我東家子竒舞變纖腰新聲粲瓠齒
令顏罕厥仇重閨廓無倚捐珮要德音鳩媒詎可使
含情俱未暢薄怒亮難通逝水駛不畱感歎從此始

其二

覽彼倉庚鳥豈復鳴盛夏徹哉金人訓多言實媒禍
誰投雀山珠翻令閨中咤南禽乃召殲豐狐亦來射
願女嘉遁懷逍遙任時化

其三

璇臺白石室中栖
華顛叟迺是浮丘公
靈妃班左右
側身蹴目車列星攬其手
朱翼霽圓光僊僊素霓綬
鸞血煮金竈瓊液漱玉齒
要涉隣太初相齊天地久
吁嗟朝暮人安知大椿壽

遊十八澗

宛轉入青嶂行歌携綠醅
泉香艸際合秋色雨餘開
地古僧常任人喧鹿側迴
歸興仍劇亮月見僧苔

茗上晚眺

水光浩渺孤棹橫蒹葭蒼蒼秋色清輕烟初起漸成
晚白日徐落如有情社鼓忽驚沙鷗散漁燈倒入空
江明挽船之子點去路西南却抵下蕪城

美人臨鏡

樓下午花然佳人方罷眠倚妝先索鏡對影自生憐
直是顰時媚非關笑亦妍玉顏渾削盡那得到君邊

夜坐鐙公房

僧扉夜不掩石堦松色深風泉隣寺來吹襍鐘磬音
索幽有竒趣妙理徐可尋佛火下蘿榻於以明禪心

塞下曲

一劔昂藏先六師軍中盡說并州兒姓名未上麒麟
閣枉殺空閨怨別離

其二

雍州壯士渭州聞箭血刀痕兩臂分錦字深閨誰寄
得羽書昨日到秦軍

春情引

春堤繞春艸新苑媚新花曙色三千里晴烟十萬家
晴烟澹淡吳江下曙色氛氲具區野金堤小史鷓鴣

冠銀橋俠客織離馬盡看白日鬪妍華何處紅樓富
妖冶誰家妖冶樓上居經春倭墮髻羞梳茉莉幔中
悲獨自雲母屏前恨有餘當年妾十五綽約腰如素
可憐曜首垂明璫妒殺防身著窮袴桑中未識使君
愚淇上初逢蕩子顧曼眼嬌羞乍不然柔情宛轉遽
相憐也知行露難踰禮祗恐河清不待年浩蕩春心
不自保徘徊却就夫君抱薦枕匡牀鏤象牙解襦菊
澤薰籠腦艷艸從教浪蝶窺纖條不柰曉風吹全學
徐孺救半面倩將京兆畫雙眉君恩謬容接妾意紛

重疊笑罷轉生嬌情多翻似怯只言百歲誓寒松誰
悟一朝隨落葉落葉離披秋更多寒松蕭颯奈君何
屢向香閨調楚女復從別館狎齊娥楚女齊娥何足
恃賤妾當時亦如此自是中心歡愛移非關轉眼容
華毀已矣故親人幽憂歷幾春啼殺本非假愁眉却
是真滿前春色真難守試照春容尚依舊新繰故素
問何如暮雨朝雲歎烏有朝見寒雲覆綠苔暮看細
雨落殘梅花應羞妾偏相近蝶自迷君不復來于今
憔悴無人惜往日殷勤更何益海燕身輕梁上飛吳

蠶絲老筐中積相思異鳥啼千轉半死孤桐高百尺
灼爍妖姿枉自矜飄搖薄命竟安憑夢著卿卿幾回
喚燈前恨恨坐相仍從此羅衫爲誰舉從此瑤觴爲
誰御燕支寫淚只無情楊柳如愁猶有緒銀華鏡裡
孤鸞驚紫玉簫中獨鳳鳴寧爲死別同君死豈忍生
離虛妾生攬衣搔首復登樓春怨還隨春水流隔岸
蘼蕪空作意盈庭萱艸詎忘憂青春容易愁中過那
可慼慼直到秋

過報國寺

乘春幸多暇信步出溪南獨叩竹間寺來爲世外談
苦吟猶是幻佞佛亦成貪一片前朝碣禪機爲爾參

子夜四時歌

西樓桃李枝上有黃鳥音攀花阿誰贈却向自家簪

其二

炎宵未成寢朱汗滿羅裳此夜人人共偏儂獨箇長

其三

月下搗素練黃葉掩白石見說牛女星佳期在今夕

其四

疎梅空館斷旅雁素書遙愁緒如冰結春風始得消

綠珠怨

桃花吹紅越女來夕霞入幔流蘇開東王下窺賞奇
色十萬老蚌空珠胎井梧枝頭眠白鳳蒼琅不開使
君夢織唇弄笛鶯鶯雛嘶吹盡晴梅玉霜凍紫金跳脫
明月璫綺鞵晨帶竹雲香粉壺寫出崑崙翠房老扶
醉嬌難富吳刀割雲金谷水北邙新錄繁華鬼珠鈿
飛逐樓頭塵春艸離披綠髮死

示猶子

畦麥初變姿渚荷欲含實日宴升高原哀蟬松際出
祝融擢炎序青陽去如失感此不能飯况我躬危慄
黃埃積橫几荆棘刺深室履險而恬安無乃益其疾
撫運華不延懷先罪非一千將截鯨背發型始今日
引領觀扶搖懼令斯言溢

夏夜卽事

濃烟如雨滯歸鴉笛奏蘭橈夜色賒長袖凭闌應有
恨三更月落若榴花

賦得陌頭楊柳色

樹影蘭園偏傷柳色淒參差烟半鎖遠近黛全齊
伊手憑誰折空樓望欲迷陌頭遙入眼春到妾家西
吳宮蘆荻宿霜痕白下城寒鬼火昏簫管千家吹曉
月秋聲不到五侯門

江南曲

靜嘯空存艸卷之一終

靜嘯空存艸

卷之一

靜嘯齋存草

卷之二

客閩稿

將之閩中至戲成迴文詩計二十六首

靜嘯堂存艸卷之二

西吳

董斯張遐周甫著

韓曾駒人穀甫訂

客閩稿

敘曰閩以東樹碧水丹山之異僕夙艷之甲
辰歲外舅官劔州命僕偕往冀盡覽其槩以
室從比晉衙齋迅商戒寒蕭然局影不復接
一士亦無問山澤遊齋中有樓居高切層雲
下瞰延津水環郭如帶每憑檻四矚援筆孤

詠粗復快意明年老母當七袞夏五爲誕辰
僕馳歸獻觴四月望紆道入武夷究討靈蹟
神色飛動御者促途裁一宿以別半月乃還
記僕初適閩作書致諸故人有曰此行將粵
中千山色歸半尺繡囊定大有可觀莫以董
家兒猶向時儻父語境與頗隔幡然以歎吳
粵道且千寧能載入斯土一終所懷邪遊凡
朞歲所存詩二十有六章爲謝故人僕之遊
未耳勿嘲僕詩猶故也

將之閩中別友人

六月空裝客劍州寸心千里一吳鈞
休將離淚輕相贈匹馬看山不浪遊

江上雜咏

江峯

何以慰行役羣峰夾岸間
蒸嵐江上暈倒翠浪中還
遠近殊分態陰晴忽變顏
詢之蕩舟者誰是若耶山

江笛

誰復取羌笛飄蕭吹莫雲
聲離沙聚白調切水增文

轉入關山引難爲遠客聞鮫人如出聽有淚贈夫君

野泊

停檝蘭皋晚叩舷時獨歌嚴風潮入樹急響雨乘波
野店希燈火人家隱芰荷旅愁無遠近前路更如何

過桐江

薄莫權歌聲看山不計程江晴舩作市地僻縣無城
蜃氣連虹暗龍腥雜霧生釣臺猶可望緩楫未須行

夜過姑蔑

行人宵未眠利涉有長年渚荇暗牽漿水螢羣入

城寒折不起流
恁月難圓何處
枇杷伎江南曲
上終

水中樹影

碧樹臨深水如懸
玉鏡平迎風隨蕩
滄暈日倍分明
鳥欲棲無處人將
折不成空分歲寒
色波浪詎勝清

早秋信美樓寫目偶成

瑤榭臨層雉新秋
鏡早曦城墉沿塹
逼村郭倚山危
霞吐波增艷烟含
嶺半虧雲杼明皎
潔風幔卷參差
菡萏香初散梧桐
色稍移蕉花然似
火榴實布如碁
池澹魚恒隱庭深
雀數窺鳴蟬呼侶
應舞鶴引雛隨

客袂仍絺葛，寘筵出露葵。推殘傷節序，搖落憶親知。
旅雁何時到，江楓寫所思。宵魂將短夢，飛向故山陲。

寄吳用脩

蘭葉參差柳葉衰，盈盈河漢費相思。秋顏轉爲懷人老，
長夜偏教獨客知。極浦風霜千樹變，寒城烟火萬家遲。
依劉王粲今何似，蕭瑟當年一旅帷。

旅懷

青天俯平野，颯然成素秋。日從海東來，匿此曾厓幽。
靡蕪殞異芳，白楊立荒丘。嚴霜承百艸，容色難復留。

丈夫鮮志畧歲月無停周况乃捐故土道里遐哉脩
濁泥揚爲塵回風飄未休神齊逸禽翔目與秋水流
安得傳歸翼駕言尋我仇三復陟岵篇悲來不能收

美人蕉

聞有蕉焉其葉青其葩丹婀娜向人嫣然可
賞問其名命曰美人感而爲賦

白露報初寒芭蕉蕩蕩藥闌縱橫秋舞翠的歷夜然丹
照水花如怯當風葉更單移將玉堦裡莫遺美人看

懷長文

弱冠尚竒服里左競余伎寤言誰可偕逢君締幽意
時登黃公壚各下古人淚握腕無餘情緒懷託文字
關山滯行李茲別若遐棄窮年想勝遊空齋日恒闕
強笑鮮故歡勞歌自成醉形神不復接當午抱書睡
策修理無睽孤聞懷乃至中庭樹秋橘柯葉紛可異
豈無衆艸榮竒此不遷志浩焉感素交東雲遡蹄思

聞雲中之警賦以紀事

巖巖馬邑城壯哉山河固重關置保障申之以嚴戍
蠢茲羗胡孽狼心萌覬覦鐵騎勝西封鳴鏑注若雨

義士憤國仇，瞋目奮且怒。思得寢厥皮，荷兵不反顧。
云何此門筦，所寄盡純祿。終歲畢肉食，折衝非其素。
我馬旣已踣，我車亦已仆。居者竄草莽，戎狄盈長路。
朱殷成赤土，精爽闕莫訴。危墉雖幸完，斯民較多故。
豈無組練士，識在踈統馭。焉知衛將軍，猶然牧羊孺。

後九日月夜

他鄉秋已晚，綺席御微涼。桑落新浮釀，茱萸別換囊。
山臨雲影重，桂長月華黃。此夜吳江曲，寒蛩訴北堂。

送友人歸吳

長揖遂言別北風枯草吹以予同客者送爾獨還時
六洞舟難渡峰高馬更危桃花猶隔歲莫滯六橋期

離合詩

離合體初自孔融六朝諸君子多爲之唐以
後始不復覩余懼其終泯也聊成斯篇貽諸
好事焉

負劍遠征

叨叨抱遐憂口語不能寫堅貞有常性卜居何爲者
嶮阻殊未極山川隔風馬忍使罹百艱心胸懽事寡

轍軌終日馳車牽弊中野進退詠維谷佳人忽余捨
往來邊塞上生死誰知我鉦鼓指燕然金印詎相假
管溪董君

雲龍相邁云何摧藏諷諫莫伸風雅其亡淹病彌年
愈忽離殃蹊路險隘厥足且僵薦蘿靡託烏雀高翔
動乃招尤力罷心傷伊有遠行人其我忘哀哉斯世
衣冠道喪

春晚獨坐憶顯山

青陽暗謝恨無那滿庭杏花裁一朶游子不將春共

醉猶在劍州城裏坐飄零異國摧紅顏寸心恍忽盈
故山明崖積翠臨水頭修篁清冷雲最閒白晷少年
競遊戲後騎並列雙小鬟窪尊石古誰者飲馬蹄踏
破蒼苔斑昔來登眺昏復晨我歌鳥啼千樹春群巖
許久不相接令我若喪平生親只今歸去春已老山
鬼嫣然將笑人

憶諸兄

出門仍獨坐爲客乃携家此地春將改言歸夢亦除
聽深溪漲雨落盡鳥啣花此與吾兄別空江醉莫覆

畱別內兄君端

六月作遊子及茲春艸殘縱孤山水趣不薄弟兄懽
歸騎一時遠哀絃今夕彈翻愁在家日行路未云難

遊武夷山

歸人緩征輓茲焉入靈壤雨餘衆壑淨遙目頓超朗
長松調群籟野禽合異響無睽夙昔心携筇挈孤往
選勝眺未周冥搜勢益上碧水澄若鑑聊以照迷罔
拭蘚出故碑攀崖識前榜涼風林下來蕭颯夏雲爽
身忘遇皆覺神虛視獨廣豈乏偕遊者誰其證幽賞

其二

以彼神仙宇暢余靜者翫峭壁鬱崔嵬佳氣靄蔥蒨
千尋飛瀑流逶迤赴深澗蒼烟滋木石陰晴皆可辨
縱眸遠無際徐步久靡勑放舟凌清谿詰曲波文亂
急流倒岩影棹底群峯變漁師揚清謳歸途日云晏
顧懷浮丘侶愴怳如有見一覩夕鳥還悲心此時現

秦皇時仙人魏子騫上昇晏鄉人慢亭峯歌人間之曲有西山夕鳥之句

至浦城寄內

客路羈危但一身音書寄去意難申風光盡入悲中

緒賴得離時不是春

其二

溪雨溪風泣野棠
幽蟬歷歷寫愁腸
纔離七日猶如此
明發誰堪路更長

五日舟中阻雨

旅遊懷積慘
令節詎成懽
復此終朝雨
蕭條川上寒
崩沙觸孤棹
臥樹逐狂瀾
極目波濤惡
應憐競渡難

戲成迴文詩

樹動看風好
簾開識燕飛
暮愁春院靜
孤影照空幃

靜嘯齋存草

卷之三

未焚稿

夏夜昆山至寄曹能始計六十首

靜嘯齋存草

目次

靜嘯堂存艸卷之三

西吳

董斯張選周甫著
韓會駒人穀甫訂

未焚稿

敘曰予自閩還里意益不自聊日携諸酒人
豪呼沉飲以爲常絕無問家人產潦倒之餘
篇詠間作多哀怨孤憤之音有一二情語聊
復寄愁或以風非予好也舅氏茅水部自沛
寄予書謂子握盛才當及時勤公車業無自

淹且以溺於詩爲戒予初未然之及家禍嗣
興多口如簧戈鋌中迫乞憐無所念沛上之
言致爲雪涕獻歲掩關讀書剪滅諸緣卽詩
歌亦復閣筆意獲粗了此生以報吾舅願舅
氏往矣誰其知予者廼緝笥中諸篇爲未焚
稿於以志感焉丁未嘉平月書

夏夜至昆山同吳孝廉季植家季作

避喧將奈何乘夜此中過嵐氣迎雙屐松風入浩歌
月當池上見涼受坐間多眇眇懷賢意浮生一逝波

燕僧行

客有之燕者病困幾殆道遇一衲子爲之起
其疾復周其乏三年乃遣歸予聞而作歌

布衣浪遊誰氏子跋涉霜天四千里短屐蒼山破曉
霞老馬黃河飲秋水純鄉迢遞慘不懽朔氣直下幽
州塞散盡囊錢只病骨道旁行乞衣裳單偶逢一僧
若舊識髮短耳長目雙碧見時兩兩道姓名復言失
意今爲客此僧聞之驚且吁仰天叱咤淚與俱朱家
一死不再起世上悠悠無丈夫手開玉箱光陸離有

藥飲君君勿疑終年枯坐豈望報王孫流落將何之
不辭精廬爲君館不辭香積爲君飯山僧共此消晨
昏徐理歸驂未云晚木葉屢脫三經秋子今可歸無
復畱故交異日能相覓雙樹蕭然殊可求慚予久矣
嬰貧病七尺沉淪向苦海况乃踈狂效獨醒俗士多
將白眼待一聆斯言三太息僧乎僧乎竟安在

夏日同周虞卿集華濟之叢中

公子善畱客清尊開竹軒桑陰閒入牖水氣暗浮林
散坐同知己無聊或放言持杯有深意落日滿高原

寄周本音

爲別有幾日西風吹我巾當時石上月共作湖中人
客意銷林雨秋懷對渚蘋知君日無事獨采吳江蓴

柬范東生

落魄余多感棲遲爾共悲大都儒服悞安事筆耕爲
臨水時垂釣尋山或刷芝水霜歲將晚奚以慰淒其

歲暮述懷四首

適有幽憂病依櫛一畝宮踈籬猶護雪凍艸不支風
問歲漸已長謀生安所終徒餘向來意無使綠尊空

其二

卜築在幽境，翛然無世營。
心隨野雲澹，興與孤洲清。
老樹抱門立，晚禽當牖鳴。
未須尋蠟屐，殊見勝情生。

其三

出家作苦母，吾欲共爲娛。
鄰飲除日酒，官徵來歲租。
叩門驚稚子，易粟授胥徒。
民力東南盡，非關聖澤殊。

其四

華燈然敝帷，幽思詎堪持。
僕本沉冥士，徒傷年歲馳。
兄賢難作弟，母老懼爲兒。
請照顏生髮，睢陽一亂絲。

早春送孝若舅入都應試

青林鬼火融雪花城烏啞啞留客車西湖主人燕山
客正月河水尚一尺枯艸連天礙馬蹄短鬚拂霜變
成白桂檝聯翩擊春水中流怪風起龍子日下高秋
一雀飛外生那得舅相似

贈曹能始

熙明躋全盛寰海掄上才君子荷令德出自東南隈
奇服旌蘭蓀襍珮粲瓊瑰妙齡陟清仕鳴鳳翔九垓
揆辭力尊古礪方聊救頽十年疲執戟修能妬之媒

荒志青雲阿宦情如浮埃累心茲已盡至理鮮所諧
惟有幽棲者望塵深徘徊

旌志詩

并小序

歲在丙午予第五兄幼函疾且殆吾嫂茅也
刲股爲食斲生之嗟夫嘉耦曰妃倫維首屬
世風波逐大義誰闡夫其婉孌妙年出自高
族而慨然含毒茹楚矢報所天此其堅貞旌
操奮志誓死豈第帷幃之情兒女子常態邪
天道茫昧云胡弗援人隨琴絕禍之已甚爰

綜其終始勉綴斯詞稍極哀怨之致焉

蒼林蔽陽景崇岡慘陰靈原野曠蕭條清蟬驚且嘶
南國有靜女終朝閉深閨太息復自陳賤妾多苦懷
昔年十四五自謂頌且頡娉容粲明眸秀頸若鮮卑
左體襲木難右體被明璣習彼傳姆訓兢兢行露詩
十六猶未笄十七爲君妻緩步入君門中庭樹桂枝
綺疏延清旭高樓下臨谿錦衾間角枕華燈照層閣
柔情婉以變獲奉君子儀君子素開美跡趾稱妙才
焜耀丹霞裳皎潔青雲衣腰間墨陽劒前後流光輝

女蘿亦有根高松亦有柯蒲葦締綢繆盤石牢不移
雖雖雙鳳凰兩兩鳴相諧夫君且安坐聽妾前致詞
懷安實敗名古夫有良規維子違多難家聲日成墮
努力讀父書中饋妾當治良人語我婦卿言信足師
下里尠見聞吾將遠行嬉遙遙入京國我行卿可隨
堂上有老姑短髮亂於絲餽飽卿勿慮娣姒羅中帷
別時再拜言一歲還復來來爲老姑壽祝姑日康熙
賤妾乘魚軒驄馬觀郎騎和颺叶玉鸞朱光曜金羈
壯哉帝王闕崢嶸何崔嵬崇臺倚蒼冥上樹九丈旗

蘭宮達芝房杏梁接文樨千門復萬戶列肆陳環竒
軒蓋揚黃塵意氣逸路達共君睇繁華貞靜恆自惟
生兒名阿麟吉夢維熊羆夫婦笑相向今者樂何其
輕刀泛故土澹澹隨風移萱艸鬱青青謹娛良不貲
賓客闐廣筵賀子早還歸爲客烹肥豕肴核紛難齊
出若荆南酒蕩漾白玉卮吹笙復鼓簧墳麓交參差
晚晚日云暮歡餘旋致悲洪濤激平陸禍至無端倪
獻歲春正月邁疾俄在斯纏緜忽逾旬骨立神亦疲
豎子居膏肓主人命將危臥薦經晨夕痛子枯形骸

筮短龜何長皆言不可爲枹鼓勤靈視藥餌疑羣醫
此時心若然萬術窮所施賤妾聞遺語人肉能療羸
百身如贖君糜軀奚足辭手携金剪刀悲極莫能持
揮刃剗素膚或恐旁人窺斷割豈不苦所嗟肝腸摧
碧血染輕衫含辛持作糜進君君不御妾身將安依
良人易簧頃嗚咽語復遲細君無我悲命也其何尤
我有阿母存溫清幸弗虧弱息方在抱藉子終提携
幸涕爲君言寸心矢靡猜與子同一體中路長乖睽
請君勿顧妾君去妾且追躑躅呼皇天泣盡血繼之

日月黯其光川爲咽不波千秋一相訣執手從此離
禍兮誰所胎疑召鬼伯催魂魄散四野招之茫無涯
棄置室與家恍惚鄰妖魑九京宵冥冥安得有曉時
願攀迷穀樹使君重來茲阿麟隨婦行呱呱索父啼
撫棺一長號長號將自裁老姑前挺胸婦何不再思
子言猶在耳衰年迫崦嵫弱息才一週顧復當賴誰
長颺起相謝義訓寧敢違請今毀故飾升樓去其梯
繡襪羅衣裳一一捐塵泥朱扉刷白壁玄帳易素幃
理妾篋笥中七寶璫琕釵感君舊相贈物在人已非

惻惻歎獨影緘閉無復開夫君夢中見宛若平生姿
兩夜起傍徨孤坐還成疑昔時鳴倉庚倏忽聞誌雞
追尋歡笑端慘慄增余哀上者奉衰姑下者鞠嬰兒
妾心曠如日慰子長夜臺妙齡失所援同穴以爲期
椅桐高百尺乃生南山陲修幹拂玄霄孤根託曾厓
斲成瑟與琴朱絃黃金徽發爲清商曲淒惻孰者知
清涓流春冬寧與涇水偕長鴻西北來翱翔以徘徊
行人不忍聽况余親宗支染翰作此歌未訖淚先垂

寄吳允兆白下二章

弱齡理鉛槧聞子若古人締交乃忘齒薄德
有鄰
嬾婉不終日離居悵茲晨行年六十餘仗劍
復振
慷慨軒鬚眉飲馬揚子津故宮墮黃霧蒙茸
荆與榛
念子顏色臞行李多艱辛我心猶懸旌又苦
雙車輪
攬衣起四顧怛懷所親素懷今如何寧
京洛
願爲黃鵠羽相從奮清旻

其二

白日麗東井陰崖光赫曦火雲蒸層軒炎氛
爲人煎
憤寃夕無寐况乃辭故知輕舟遡長川荒忽
欲安之

羈客怨行邁孰知居者悲大風吹江河龍蛇陸揚鬢
葵董豈救饑蓼蟲甘於飴錐刀悅馳逐親戚置若遺
前庭步中夜哀哀嘯寒鴟寒鴟嘯且哀展轉傷肝脾
積憂環無端深哀當告誰一彈離鴻曲涕洟難復持

雜詩

神龍吐炎燭朝暎出東方照曜叢薄中凡卉奉清光
孤松大壑陰黯黯獨摧藏皇天豈其私運會有故常
季孫服蟬冕原生厭糟糠智者程下愚撫征中自傷

其二

駕言寫我憂遊戲郊與畿道逢輕薄子其人美且頤
朱顏如薜蘿車鮮馬何肥寶帶垂流蘇秋風揚繡衣
後騎從若雲指顧生餘輝居人嘖嘖歎行路爭相希
沉荒極吾往履豐關所歸露在白艸間豈受祀陽晞

其三

賈胡售我債瑤甕錯瓊櫝問子何自來云從漢時蓄
昔買百萬餘千秋殉中谷潢池大盜起椎埋一何毒
隧道侵荷鋤鶴鷗噉山木骸骨未相保安得衛珠玉
乃悟至人言超然寶無欲

其四

聞有君子國乃居東海外揖讓尚不爭劔佩耀冠帶
絕俗文字稀敦龐良可愛蚩尤鑄兵刃蠻觸豈足賴
世無奇肱車臨風獨興慨

其五

驅馬登東郭遙望專諸墓土石齊頽墟白楊宿霜露
爲君酌卮酒低徊懷往故百齡有終斯國士艱再遇
微軀一相許身後豈復顧奮義壯夫興殘生達者蠹
吾慕陶朱公扁舟蕩真趣

其六

昔予有遠適，悵望迷所如。日暮投層林，乃叩野人廬。
華門徐以啓，客至主不趨。嘉樹覆重簷，中庭植犂鋤。
孫子粲成行，後先若貫魚。何以膳佳賓，聊摘園中蔬。
獻酬弛禮節，微言挾玄虛。不問時俗改，安知毀與譽。
促坐忽達曙，再拜訊歸途。含笑不我言，揮手卽路衢。
此翁有深意，惜哉空躊躇。

其七

蒙鳩巢蒲葦，風至壞莫扶。識輕與患隣，勢崇與害俱。

達人抱玄鑒，甘此簞瓢臞。好鳥下空除，何羨長者車。
妖花然後庭，豈慕傾城姝。恬澹歸自然，握我至道樞。
室人勿交謫，相與慶無虞。

其八

東隣貴公子，暇豫置高會。華堂妙伎陳，縱橫發清吹。
流連長夜飲，觴行疾無次。衆客醉尚留，主人樂靡既。
寧知向隅者，君心與余異。

其九

少年不得志，說劍何慨慷。矯首觀玄霄，意若隘八荒。

朔風十二月射獵西山旁僕夫喪黃矢孤兒馳若翔
豺虎同聲嗥避之惑無方繁憂卒難排歡樂焉可常
感此廢遊佚折節翰墨場

其十

佳人處南浦遺我丹玉盤中有牋綵繪五色璨可觀
燕婉申同好要以良夜歡深情闕惡景朱光歸層巒
驚巖驟夕振聞此覲會端中流豈無杭波浪浩已漫
咫尺步邈山河情無雙飛翰嗟彼參與昴流睇腸若剗
兩情介如石命也誰復歎不惜日月適所傷知心難

初秋

無事日隱几問時俄及秋
嘯見巢入燕爭果幕離鳩
暑去熱仍在雨來庭稍幽
倚門望耘者斗笠向東疇

垂白行贈詹淑正

詹故爲伯氏客
工篆籀之學

詹生垂白忽來訪使我低頭三歎息
依稀十五年前事須髯戟張鬢猶黑
雕蟲舊業今未衰驅馳東土不遑食
懸河之口駭四坐是翁矍鑠尚多力
破裘穿履整角巾不念在家妻子貧
王門曳裾寡心賞空懷劔術何處陳
我有阿兄重意氣與君一見相情親
死逾

九秋猶無墳中路天折多苦辛螺杯流紅淚如霰我
爲其弟君其賔世事變幻若泡影榮華凋落安可論
生前斗酒且同樂湖海會合原有神君今北向秣陵
寺五更鐘鳴愁殺人

秋雨

宸澤入秋氣十旬恒九陰長雲有歸影急雨多哀音
南畝稻花放北窻梧葉深孤懷誰與憫牀上無絃琴
懷茅公介却寄

善病晨復夕塵埃都不關以茲高秋暮獨臥寒溪間

霜苦柏猶勁草衰蟲自閒容心已無緒况乃憶情顏

懊儂歌

小姬歌擢歌乘船異鄉去呼郎上船來齊看雙眼顰

其二

蓮子比儂心蓮花比歡容歡雖其人語凝睛却射儂

其三

綠襦貼儂身宵寒持護汝恐郎心亦熱棄置奈何許

其四

曉郎顧盼意人前笑難支當風掛蛛網何由定所忍

其五

阿歡冒雪來飲儂蘭陵酒酒味亦復佳不如歡情厚

其六

綺窻霽香霧值嬾梳翠髮願化一片銅朝朝見花顏

其七

小車疾於星畱得地上香橫水但尺餘隔歡如山岡

其八

相晤既不恒相看苦有限那得娘身上生儂一雙眼

其九

儂亦不惱人東隣巧相妬縱使形影乖兩心無異處
其十

雙星何璀璨照我珠戶前綺襦未裝領那可竟無緣
難忘曲

銅律逗春寒未脫雪邀凍雲換玄髮薄冰曉鬪青溪
搖船近梅根纜香骨林中笑露誰家妹十五稚齡骨
應圖剪却芙蓉點雙靨媚眼半合花糝糊小風入簾
鳳凰醉美人賣嬌滿堂睡綠華半臂解贈君低喉喚
出傍人字七寶鮮車驅古塵碧空吹轉雷仙裙秦妃

弄簫紫烟碎三更偷袖樓東雲

晚步

紫居非我意傍晚向東原幾日在田艸歸雲之水村
看山如欲暝聽樹稍成喧轉入溪邊寺隣僧將閉門
暮秋同長文夜集恣公精舍得永字

竹菴立窮渚隣社往還稀偶伴野人至坐聽秋葉飛
僧厨餘午鉢佛火近寒衣妙理從師悟猶憐帶月歸
酬范東生見訪不遇之作

偶然釣魚西霄川一出十日猶未還故人遠至若相

青明
避惟有斜風畱汝船

寄酬王曰常時曰常附吳令舟北行

危坐空林氣未降
哀蟲如雨落秋窻
素書此日憐知己
衰艸隨人昨渡江
燕市嘯歌遙入夢
薊門鴻雁不成雙
自君之去尤無賴
時倚壺頭醉玉缸

哭季兄詩

於是季兄之歿也以哭二母故不肖弟斯張
痛之作哀詞四章聊代楚些焉

瑟瑟寒原樹飄風一夜吹
誓捐三尺命言答二親慈

淚血枯玄壤歸魂戀素帷惟余忍死意辛苦亮君知

其二

冥冥安可返汝命盡嚴冬以我生同齒其間愛獨鍾
有謀能下問無事日相從一訣成今古空餘夢裏容

其三

高樓眺平野憶汝此中居晝靜僧叅席秋空鶴在除
馳玄家不問斷酒興還餘今日斜陽裏荒榛沒故廬

其四

善者終安與天心未可明問君誰是後憐我漸無兄

玉折悲何極，樗全愧此生。深情良已矣，歌竟淚霑纓。

得王百穀書寄贈

賢達夙夢寐，通覓在素書。忘年應謬許，臭味倘相如。
聞有西來意，前溪卽敝廬。空樓瞰春水，蘋芷正愁予。

短歌酬贈李三

李郎落落儒，亦禪短髮鬢。鬢益耳後雙，臆顧盼懾人。
據坐嚼肉復飲酒，高談縱橫白日暮。一語世事怒
且吼，巨雷欲碎太行巔。秋濤直決荆門口，余亦生平
壘塊人。賡君放歌把君手，只今原嘗戶若市，誰向大

梁覓屠狗有筆生花未救饑那復他年論不朽爾啼
我嘯出門走愁雲南來壓北斗

春寒曲

桃花壓雪紅寫地玉墀朦朧珊瑚碎絳爐鳳炭室如
冰裹手作書成凍字門前溼雲衣欲沾曉鶯忍饑窺
竹簷東隣小婦向郎哭新典寒衣那能贖

臥病允兆過訪時允兆有皖城之役

向晚叩蓬戶故人今在茲茲來余尚病猶勝日相思
明發將千里言旋又幾時臨觴君不御別意轉堪悲

借馮猶龍登吳山

春暉駘蕩靜無氛
選勝藍輿喜共君
湖影正當巖際
落江聲初到樹邊
分野田鳥雀翻斜
照城郭人烟混
白雲傳有神仙說
遺骨至今靈氣自氤氳

養疴昭慶寺答恣公見懷

舍家遂南出將以寫繁憂
古寺面湖水凡夫聊暫投
繙經疑欲解佞佛禮還周
此外了無著有無貪勝遊
問花趨隔岸棹月守中流
石徑獨歸晚禪關孤夢幽
乃深靜者趣微止病能瘳
惜汝不偕往逢僧非所求